

MMF odobrio novi stand by aranžman

MMF je odobrio novi stand-by aranžman Bosni i Hercegovini za sljedeće dvogodišnje razdoblje u iznosu od 411 miliona eura, potvrdio je voditelj misije MMF-a za BiH Costas Christou.

Po navodima Christoua prvi iznos finansijske potpore koju je odobrio MMF, iznosi oko 60 miliona eura. Pojasnio je da su sredstva od MMF-a predviđena za provođenje reformi te pokrivanje budžetskih obveza kao i otplatu dijela stand-by aranžmana koji je ranije bio odobren 2009. godine. Vlasti u BiH očekivale su da će MMF odobriti novi stand-by aranžman pošto su se obavezale na provođenje mjera štednje i smanjenja javne potrošnje. Bosna i Hercegovina se kod MMF-a zadužila 2009. godine za 1,2 milijarde eura. Iskoristila je samo

trećinu toga novca zbog neispunjavanja obveza na koje se obvezala u stand-by aranžmanu.

